



Inatsisartunut ilaasortaq Saxdorph Didriksen, Siumut
/Maani

**Kinguppattassiissutit pillugit § 37 naapertorlugu apeqquteqaammut nr. 2013-247-
imut akissuteqaat**

Apeqqu 1

"27. november 2013 Inatsisartut ataatsimiinneranni Inatsisartunut ilaasortaq Aqqaluaq B. Egede, IA oqaluttarfimmiit oqaatigaa raajartassat TAC-it 75 % tikillugu avataasiortut pigigaa. Tassa avataani sinerissallu qanittuani raajartassat pineqarput. Tamanna ilumoorpa?"

Apeqqu 2

"Tamanna ilumoorsimassappat unioqqutitsisoqarsimassanngila?"

Apeqqutinut 1-mut aamma 2-mut akissutit:

Ilumoorpoq Kalaallit Nunaanni aalisarnermik ingerlatseqatigiiffiit avataasiortuluni sineris-
samullu qanittumi kinguppanniarnermi kinguppattassiissutit annerpaamik 33 %-ii aamma
15 %-ii pissarsiarisinnaammatigit.

Tamakku saniatigut pissutsit imaapput malittarisassat atuuttut malillugit toqqaannartu-
mik toqqaannangitsumillu pisassiissutinit pigisanut piginnittuunerup akornanni immik-
koortitsisoqartarluni.

Taamaammat ingerlatseqatigiiffik ingerlatseqatigiiffimmut allamut pisassiissutinit pigisa-
limmut piginneqataasinnaavoq pisassiissutit taakku § 15, imm. 3 aamma 4 aalajanger-
sakkanullu taakkununga oqaasertaliussat malillugit ingerlatseqatigiiffimmut pineqartu-
mut ilanngullugit naatsorsuutigineqanngikkaluartut. Allatut oqaatigalugu taamaallaat in-
gerlatseqatigiiffik ingerlatseqatigiiffimi allami aningaasaatit 50 %-iinik amerlanerusunik
pigisaqarpat, ingerlatseqatigiiffiup pineqartup pisassiissutinit pigisai aallaqqaammut in-
gerlatseqatigiiffiup pisassiissutinit pigisaanut ilanngullugit naatsorsuutigineqartussaap-
put. Paarlattuanik ingerlatseqatigiiffiup pisassiissutinit pigisai aallaqqaammut inger-
latseqatigiiffiusup pisassiissutinit pigisaanut ilanngullugit naatsorsuutigineqartanngillat,
tassa aallaqqaammut ingerlatseqatigiiffiusup ingerlatseqatigiiffiup allap aningaasaataasa
ilaat 50 %-init annikinnerusut pigippagit.


30. december 2013
Suliap nr. 2013-093368
Allakkap normua 1437102

Postboks 269
3900 Nuuk
Oqa. (+299) 34 50 00
Allak. (+299) 34 63 55
E-mail: apnn@nanog.gl
www.naalakkersuisut.gl

Taamaamat ingerlatseqatigiiffiup inatsisunik unioqqutitsinngikkaluarluni avataasiorluni kinguppanniarnermi 33 %-init annertunerusut imaluunniit sinerissamut qanittumi kinguppanniarnermi 15 %-init annertunerusut ataatsimut pigisinnaavai.

Naggataatigut ilumoorpoq avataasiorlutik kinguppanniartut kinguppattassiissutit 75 %-ii pallillugit ataatsimut pigimmatigit.

in.in.



Karl Lyberth